

所在余時王師及與大臣聞王欲出尋求太子二人俱共來諫王言大王不應自生憂惱

所以者何我觀太子見其相貌過去世中久

已修習出家之業設復令爲釋提桓因亦當

不樂況復今者轉輪王位而能留耶大王不

憶太子初生而行七步舉手住言我生已盡

是最後身諸梵天王釋提桓因悉來下從如

此奇特云何樂世又復白王阿私陀仙昔相

太子年十九出家學道必當成就一切種智

今時既到大王何故而生愁苦又復大王嚴

勑內外守護太子慮恐出家而諸天來導引

出城如是之事非復人力唯願大王當生歡

卷三
季

喜勿懷愁惱不須自出若憶太子猶不已者

我今當與大臣尋求所在王聞此語心自念

言我知太子雖不可迴未忍便捨不復追之

今當試令師及大臣更一尋也即便答師及

大臣言善哉可去舉宮內外心皆苦惱併遲

速還是王師大臣即便辭出追尋太子

過去現在因果經卷第二

辭四

力臂

下音呂

詎

臣

手搏

下音搏

躋地

上毗

跳

音條

壞

啄之

下音卓

昬赫

上音許片

反婚婢

下音反客

婿

下音婿

淑

令

下音聲

背𠙴

下音軒

流邁

下音莫

僊俛

下音忍

佇

彌

上音至

嬉戲

上音一

同

相寺

下音相

誘

音悼

直

上音昌

峻

上音峻

嗣

音勸

弊

下音弊

佇

鼙感

上音子六

惻愴

上音惻

豁然

上音豁

錫

上音錫

杖

上音擎

危脆

下音威

嘘唏

上音虛

本要

二音信

係

音計

噴鳴

上音門

誼鬧

上音喧

駿疾

上音驥

舐

音舐

履藉

上音毫

瞞目

上音燭

翹

上音渠

賀易

上音賀

號咷

音號

救音

上音撫

饌

床

戀

反

苦懊

下鳥音告

暫歇

過去現在因果經卷第三

宋三藏求那跋陀羅譯

辭五

余時白淨王發遣王師及大臣已即以太子
瓔珞與摩訶波闍波提而語之言此是太子
所服瓔珞付車匿還令以與汝摩訶波闍波
提見瓔珞已倍增悲絕而自念言四天下人

極爲薄福失此明智轉輪聖王又送餘莊嚴具以與耶輸陀羅而語之曰太子以此嚴身之具令持與汝耶輸陀羅既見此物悶絕躰地王又遣人勑耶輸陀羅令自愛敬無使胎子不安隱也

余時王師及以大臣至跋伽仙人苦行林中

除去從人及諸儀飾便前仙人所住之處仙人請坐互相問訊於是王師語仙人言我是白淨王師今所以來至於此者彼白淨王足相太子厭惡生老病死之苦出家學道路由此林大仙見不跋伽仙人答王師言我近於此見一童子顏容端正相好具足來入此林共我議論遂經一宿不知乃是王之太子鄙薄我等所修之道從此北行詣彼仙人阿羅邏迦蘭余時王師大臣聞此言已即便疾往彼仙人所而於中路遙見太子在於樹下端坐思惟相好光明踰於日月即便下馬除却侍衛脫諸儀服前太子所坐於一面互相問

訊於是王師白太子言大王見使尋求太子欲有所說太子答言父王遣汝來欲何所道王師即言大王父知太子深樂出家此意難迴然王於太子恩愛情深憂愁盛火常自熾然須太子歸以滅之耳願便迴駕還返宮城雖有物務不令太子全棄道業靜心之處不必山林摩訶波闍波提耶輸陀羅內外眷屬皆悉沒於憂惱大海思太子還而拯救之余時太子聞王師語以深重聲答王師言我豈不知父王於我恩情深耶但畏生老病死之苦是以來此爲斷除故若令恩愛終日合會又無生老病死苦者我復何爲來至於此我今所以遠遠父王欲爲將來和合故耳父王憂愁大火今雖熾然我與父王唯除今生有此一苦將來自當永絕斯患若如汝言令吾處宮修道業者如七寶舍滿中焰火當有人能止此室不如雜毒食設有飢人終不食之我旣棄國出家修道云何令我復還宮城修

辭五

學道也世間之人在大苦中爲小樂故尚復耽酒不能暫捨況我在此極寂靜處無諸苦患而能捐棄還就於惡古昔諸王入山學道無有中路還受欲者父王若欲必令我歸便是違於先王之法爾時王師白太子言誠如太子今之所說然諸仙聖一言未來定有果報一言定無此二仙聖尚不能知未來世中必定有無太子云何欲捨現樂而求未來不_三定果報生死果報尚不可知決定有無云何乃欲求解脫果唯願太子便還宮也太子答言彼二仙人說未來果一者言有一者言無皆是疑心非決定說我今終不隨順彼教不應以此而見難詰所以者何我今不爲希慕果報而來至此以目所見生老病死必應經之故求解脫免此苦耳令汝不久見我道成我此志願終不可迴還啓父王說如此也尔時太子作此言已即從座起與王師大臣辭別此行詣阿羅邏迦蘭仙人于時王師大臣

見太子去啼泣懊惱一者念太子情深二者奉受王使來太子所而復不能移轉其意徘徊路側不能自返互共議言既被王使而無力効今者空歸云何奉答我等當留所從五人聰明智慧心意柔軟爲性忠直種族強者密令伺察看其進止作此言已顧看其傍見

_記_三_記

憍陳如等五人而語之言汝等悉能留止此不五人答言善哉如勑進止去來當密伺察即便辭別趣太子所王師大臣還歸宮城爾時太子往彼阿羅邏迦蘭仙人住處度於恒河路由王舍城既入城已諸人民衆見太子顏貌相好殊特歡喜愛敬舉國皆悉奔馳瞻視如是誼譁微頻毗娑羅王王便驚問此是何聲諸臣答言白淨王太子名薩婆悉達昔諸相師記其應得轉輪王位王四天下又復記其若出家者必當成就一切種智其人今者來入此城外諸人民馳競來看以是之故所以誼鬧時頻毗娑羅王既聞此語心大

歡喜踊躍遍身即勑一人令往伺察太子所在使者受勑尋求太子見在般茶婆山於一石上端坐思惟時使即歸具白大王王便嚴駕與諸臣民詣太子所至般茶婆山遙見太子相好光明踰於日月即便下馬除却儀飾及諸侍衛前坐問訊太子四大悉調和不我辭五

見太子心甚歡喜然有一悲太子本是日之種姓累世相承爲轉輪王太子今者轉輪王相皆悉具足云何捨之來入深山踐藉沙土遠至此也我見是故所以悲耳太子若以父王今在故欲不取聖王位者當以我國分半治之若謂爲少我當捨國盡以相奉臣事太子若復不取我此國者當給四兵可自攻伐取他國也太子所欲甚不相違余時太子聞頻毗婆羅王說此語已深感其意即答王言王之種族本是明月性自高良不爲鄙事所爲所作無不清勝今發是言未足爲竒然我觀王中情懇至倍於前後王今便可於身命

財修三堅法亦不應以不堅之法勸弊餘人我今旣捨轉輪王位亦復何緣應取王國王以善心捨國與我猶尚不取何緣以兵伐取他國我今所以辭別父母剃除鬚髮捨於國者爲斷生老病死苦故非爲求於五欲樂也世間五欲如大火聚燒諸衆生不能自出云記

辭五

四

何勸我貪著之耶我今所以來至此者有二仙人阿羅邏迦蘭是求解脫最上導師欲往彼處求解脫道不宜久停在於此也我旣違王初始之言喜心賜我勿致嫌恨王今當以正法治國勿枉人民作此言已太子即起而與王別時頻毗婆羅王見太子去深大惆悵合掌流淚而作是言初見太子心大踊躍太子旣去倍生悲苦汝今爲於大解脫故而欲去者不敢相留唯願太子所期速果若道成者願先見度太子於是辭別而去時王奉送次於路側極目瞻矚不見乃返

余時太子即便前至彼阿羅邏仙人之所于

時諸天語仙人言薩婆悉達棄捨國土辭別父母爲求無上正真之道欲拔一切衆生苦故今者已來垂至於此時彼仙人旣聞天語心大歡喜俄爾之頃遙見太子即出奉迎讚言善來俱還所住請太子坐是時仙人旣見太子顏貌端正相好具足諸根恬靜深生愛敬即問太子所行道路得無疲耶太子初生及以出家又來至此我悉知之能於火聚自覺而出又如大象於縉索中而自免脫古昔諸王盛年之時恣受五欲至於根熟然後方捨國邑樂具出家學道此未足奇太子今者於此壯年能棄五欲遠來至此真爲殊特當

辭五

五

記

勤精進速度彼岸太子聞已即答之曰我聞汝言極爲歡喜汝可爲我說斷生老病死之法我今樂聞仙人答言善哉善哉即便說曰衆生之始始於冥初從於冥初起於我慢從於我慢生於癡心從於癡心生於染愛從於染愛生五微塵氣從五微塵氣生於五大從

於五大生貪欲瞋恚等諸煩惱於是流轉生老病死憂悲苦惱今爲太子略言之耳尔時太子即便問曰我今已知汝之所說生死根本復何方便而能斷之仙人答言若欲斷此生死本者先當出家修持戒行謙卑忍辱住空閑處修習禪定離欲惡不善法有覺有觀得初禪除覺觀定生入喜心得第二禪捨喜心得正念具樂根得第三禪除苦樂得淨念入捨根得第四禪獲無想報別有一師說如此處名爲解脫從定覺已然後方知非解脫處離色想入空處滅有對想入識處滅無量識想唯觀一識入無所有處離於種種想入非想非非想處斯處名爲究竟解脫是諸學者之彼岸也太子若欲斷於老病死患者應當修學如此之行尔時太子聞仙人言心不喜樂即自思惟其所知見非究竟處非是永斷諸結煩惱即便語言我今於汝所說法中有所未解今欲相問仙人答言敬從來意即

問之曰非想非非想處爲有我耶爲無我耶
若言無我不應言非想非非想若言有我我
爲有知我爲無知我若無知則同木石我若
有知則有攀緣旣有攀緣則有染著以染著
故則非解脫汝以盡於鹿結而不自知細結
猶存以是之故謂爲究竟細結滋長復受下

生以此故知非度彼岸若能除我及以我想
一切盡捨是則名爲真解脫也仙人默然心
自思惟太子所說甚爲深妙余時太子復問
仙人汝年至幾而出家耶修梵行來復幾許
年仙人答言我年十六而便出家修梵行來
一百四年太子聞已而心念言出家以來乃

辭五

六

九

如是久而所得法正如此乎于時太子爲求
勝法即從座起與仙人別余時仙人語太子
言我久遠來習此苦行而所得果正如此耳
汝是王種云何而能修苦行耶太子答言汝
所修法非爲苦也別有最苦難行之道仙人
既見太子智慧又觀志意堅固不虧知決定

成一切種智白太子言汝若道成願先度我
於是太子答言善哉次至迦蘭所住之處論
議問答亦復如是太子即便前路而去時二
仙人見太子去各心念言太子智慧深妙奇
特乃余難測合掌奉送絕視方還
余時太子調伏阿羅邏迦蘭二仙人已即便
前進伽闍山苦行林中是憍陳如等五人所
止住處即於尼連禪河側靜坐思惟觀衆生
根宜應六年苦行而以度之思惟是已便修
苦行於是諸天奉獻麻米太子爲求正真道
故淨心守戒日食一麻一米設有乞者亦以
施之余時憍陳如等五人旣見太子端坐思

惟修於苦行或日食一麻或日食一米或復
二日乃至七日食一麻米時憍陳如等亦修
苦行供奉太子不離其側旣見此已即遣一
人還白王師及以大臣具說太子所行之事
余時王師大臣俱還宮門顏貌愁悴身形萎
熟猶如有人喪其所親葬送旣畢抑忍而歸

辭五

七

況

時守門者而白王言師與大臣今在門外王既聞已氣奔聲絕身首裁動時守門人解王此意即呼令前王與相見悲不能言如是良久微聲而問太子旣是我之性命卿等今者獨作此歸我之性命云何而存王師答言我奉王勅尋求太子便至跋伽仙人住處訪覓太子仙人語我太子所在并說太子所言之事我便前行而於中路遇見太子在於樹下端坐思惟相好光明踰於日月即向太子具說大王摩訶波闍波提及耶輸陀羅憂苦之情太子即以深重之聲而見答言我豈不知父王親戚恩情深耶但畏生死愛別離苦爲欲斷除故來此耳如是種種言詞所說志意堅固如須彌山不可移動捨我而去如棄草芥余時即便選擇五人隨從給侍伺察所在所遣人中有一人還說言太子當至阿羅邏迦蘭仙人之所路由恒河以天神力而得度水至王舍城時頻毗娑羅王來詣太子方便

譬說不應出家分國共治及以全與井欲與兵令伐他國太子亦復皆悉不受即又前行達仙人所而爲說法降伏其心又至伽闍山苦行林中尼連禪河側靜坐思惟日食一麻一米余時白淨王聞王師大臣說彼使人如此語已心大悲惱舉體顫掉身毛皆竖即語王師及大臣言太子遂捨轉輪王位父母親屬恩愛之樂遠在深山修此苦行我今薄福生失如此珍寶之子王即復以使人所言向摩訶波闍波提及耶輸陀羅而爲說之時白淨王即便嚴駕五百乘車摩訶波闍波提及耶輸陀羅亦復相與辦五日乘一切資生皆悉具足即喚車匿而語之言汝送太子遠放深山今復令汝領此千乘載致資糧送與太子隨時供養勿使乏少盡更來請車匿受勑即領千乘疾速而去至太子所見形消瘦皮骨相連血脉悉現如波羅奢華頭面禮足悶絕於地良父乃起衝淚而言大王憶念太子

不捨日夜今故遣我領此千乘載資生具以餉太子于時太子答車匿言我違父母及捨國土遠來在此爲求至道云何當復受此餉耶余時車匿聞此語已心自思惟太子今者既不肯受如此資供我當別覓一人領此千乘還歸王所我住於此奉事太子即差一人

領車而去於是車匿密侍太子不離晨昏

余時太子心自念言我今日食一麻一米乃至七日食一麻米身形消瘦有若枯木修於苦行垂滿六年不得解脫故知非道不如昔在閻浮樹下所思惟法離欲寂靜是最真正今我若復以此羸身而取道者彼諸外道當言自餓是般涅槃因我今雖復節節有那羅延力亦不以此而取道果我當受食然後成道作是念已即從座起至尼連禪河入水洗浴洗浴既畢身體羸瘠不能自出天神來下空右遶菩薩雜色瑞雲及以香風而隨映拂爲案樹枝得攀出池時彼林外有一牧牛女人名難陀波羅時淨居天來下勸言太子今

者在於林中汝可供養女人聞已心大歡喜于時地中自然而生千葉蓮華上有乳糜女人見此生奇特心即取乳糜至太子所頭面禮足而以奉上太子即便受彼女施而呪願之今所施食欲令食者得充氣力當使施家得色得力得捨得喜安樂無病終保年壽智

第五

九

記

慧具足太子即復作如是言我爲成熟一切衆生故受此食呪願訖已即受食之身體光悅氣力充足堪受菩提余時五人既見此事驚而怪之謂爲退轉各還所住菩薩獨行趣畢波羅樹自發願言坐彼樹下我道不成要終不起菩薩德重地不能勝于時步步地爲震動出大音聲余時盲龍聞地動響心大歡喜兩目開明曾見先佛有此瑞應作是念已從地涌出禮菩薩足時有五百青雀飛騰虛空右遶菩薩雜色瑞雲及以香風而隨映拂菩薩足蹟處地皆六種動發大深遠音

我聞眼開明 又見虛空中 青雀遶菩薩
瑞雲極鮮映 香風甚清涼 此等諸瑞相
悉同過去佛 以是知菩薩 必定成正覺
於是菩薩即自思惟過去諸佛以何為座成
無上道即便自知以草為座釋提桓因化為
凡人執淨軟草菩薩問言汝名何等答名吉
祥菩薩聞之心大歡喜我破不吉以成吉祥
菩薩又言汝手中草此可得不於是吉祥即
便授草以與菩薩因發願言菩薩道成願先
度我菩薩受已敷以為座而於草上結跏趺
坐如過去佛所坐之法而自誓言不成正覺
不起此座我亦如是發此誓時天龍鬼神皆
悉歡喜清涼好風從四方來禽獸息響樹不
鳴條遊雲飛塵皆悉澄淨知是菩薩必成道相
少時菩薩在於樹下發誓言時天龍八部皆
悉歡喜於虛空中踊躍讚歎時第六天魔王
宮殿自然動搖於是魔王心大懊惱精神躁
擾聲味不御而自念言沙門瞿曇今在樹下

捨於五欲端坐思惟不久當成正覺之道其
道若成廣度一切超越我境及道未成往壞
亂之余時魔子薩陀見父慘悴而往白言不
審父王何故憂感魔王答言沙門瞿曇今在
樹下其道將成超越於我今欲壞之魔子即
便前諫父言菩薩清淨超出三界神通智慧
無不明了天龍八部咸共稱讚此非父王所能
摧屈不煩造惡自招禍咎魔王三女形容
儀貌極為端正妖冶巧媚善能惑人於天女
中最為第一熏以名香佩好瓔珞一名染欲
二名能悅人三名可愛樂三女俱前白其父
言不審今者何故憂愁父即寫心語諸女言
世間今有沙門瞿曇身被法鎧執自在弓鏃
智慧箭欲伏衆生壞我境界我若不如衆生
信彼皆悉歸依我土則空是故愁耳及未成
道欲往摧挫壞其橋梁於是魔王手執強弓
又持五箭男女眷屬俱時往彼畢波羅樹下
見於牟尼寂然不動欲度生死三有之海尔

時魔王左手執弓右手調箭語菩薩言汝刹
利種死甚可畏何不速起宜應修汝轉輪王
業捨出家法習於施會得生天樂此道第一
先勝所行汝是刹利轉輪王種而爲乞上此
非所應今若不起但好安坐勿捨本誓我試
射汝一放利箭苦行仙人聞我箭聲莫不驚
怖惛迷失性況汝瞿曇能堪此毒汝若速起
可得安全魔說是語以怖菩薩菩薩怡然不
驚不動魔王即便挽弓放箭并進天女菩薩
余時眼不視箭箭停空中其鏃向下變成蓮
華時三天女白菩薩言仁者至德人天所敬
應有供侍我等今者年在盛時天女端正無

辨五

十一

異

踰我者天今遣我以相供給晨昏寢卧願侍
左右菩薩答言汝植小善得爲天身不念無
常而作妖媚形體雖美而心不端姪惑不善
死必當墮三惡道中受鳥獸身免之甚難汝
等今者欲亂定意非清淨心今便可去吾不
相須時三天女變成老姥頭白面皺齒落垂

涎肉消骨立腹大如鼓拄羸步不能自復
魔王旣見如是堅固心自思惟我昔曾於雪
山之中射摩醯首羅即便恐懼退其善心而
今不辯動於瞿曇旣非此箭及我三女所能
移轉令生憂恚當復更作他餘方便即以軟
語誘菩薩言汝若不樂人間受樂今者便可
上昇天宮我捨天位及五欲具悉持與汝菩
薩答言汝於先世修少施因今故得爲自在
天王此福有期要還下生沉溺三塗出濟甚
難此爲罪因非我所須魔語菩薩我之果報
是汝所知汝之果報誰復知者菩薩答言我
之果報唯此地知說此語已于時大地六種
震動於是地神持七寶瓶滿中蓮華從地踊
出而語魔言菩薩昔以頭目髓腦以施於人
所出之血浸潤大地國城妻子象馬珍寶而
用布施不可稱計爲求無上正真之道以是
之故汝今不應惱亂菩薩魔聞是已心生怖
懼身毛皆豎時彼地神禮菩薩足以華供養

忽然不現余時魔王即自思惟我以強弓利箭并及三女兼以方便和言誘之不能壞亂此瞿曇心今當更設諸種方便廣集軍衆以力迫惱作是念時其諸軍衆忽然來至充滿虛空形貌各異或執戟操劍頭戴大樹手執金杵種種戰具皆悉備足或猪魚驢馬師子龍頭熊羆虎兕及諸獸頭或一身多頭或面各一目或衆多目或大腹長身或羸瘦無腹或長脚大膝或大脚肥脣或長牙利爪或頭在脣前或兩足多身或大面傍面或色如灰土或身放火焰或象耳擔山或被髮裸形或復面色半赤半白或脣垂至地或上褰覆面

詳五

土 汱

諸龍鬼等悉忿魔衆瞋恚增盛毛孔血流淨居天衆見此惡魔惱亂菩薩以慈悲心而愍傷之於是來下聚塞虛空見魔軍衆無量無邊圍遙菩薩發大惡聲震動天地菩薩心定顏無異相猶如師子處於鹿羣皆悉歎言嗚呼奇哉未曾有也菩薩決定當成正覺是諸魔衆互相催切各盡威力摧破菩薩或角目切齒或橫飛亂擲菩薩觀之如童子戲魔益忿懣更增戰力菩薩以慈悲力故令抱石者不能勝舉其勝舉者不能得下飛刀舞劍停於空中雷電雨火成五色華惡龍吐毒變成香風諸惡類形欲毀菩薩不能得動魔有姊妹一名彌伽二名迦利各各以手執觸體器在菩薩前作諸異狀惱亂菩薩是諸魔衆種種醜身欲怖菩薩終不能動菩薩一毛魔益數圍遙菩薩或復有欲裂菩薩身或四方烟起炎焰衝天或狂風奮發震動山谷風火烟塵暗無所見四大海水一時湧沸護法天人

詳五

十三

與

自疲勞永無所得今日宜應捨恚害心汝口乃可吹須彌山令其崩倒火可令冷水可令熱地性堅強可令柔軟汝不能壞菩薩歷劫修習善果正思惟定精勤方便淨智慧光此四功德無能斷截爲作留難不成正覺如千日照必能除闇鑽木得火穿地得水精勤方便無求不得世間衆生沒於三毒無有救者菩薩慈悲求智慧樂爲世除患汝今云何而惱亂之世間衆生癡惑無智悉著邪見今設法眼修習正路欲導衆生汝今云何惱亂導師是則不可譬如在於曠野之中而欲欺誑衆人導師衆生墮大黑闇之中茫然不知所止住處菩薩爲然大智慧燈汝今云何欲吹令滅衆生今者沒生死海菩薩爲修智慧寶船汝今云何欲令沉溺忍辱爲芽堅固爲根無上大法以爲大果汝今云何而欲攻伐貪恚癡鎖縛諸衆生菩薩苦行欲爲解之今日決定於此樹下結跏趺坐成無上道此地乃

是過去諸佛金剛之座餘方悉轉斯處不動堪受妙定非汝所摧汝今宜應生欣慶心息憍慢意修知識想而奉事之是時魔王聞空中聲又見菩薩恬然不異魔心慚愧捨離憍慢即便復道還歸天宮羣魔憂感悉皆崩散情意沮憚無復威武諸鬪戰具縱橫林野當於惡魔退散之時菩薩心淨湛然不動天無烟霧風不搖條落日停光倍更明盛澄月映徹衆星粲朗幽隱闇暝無復障礙虛空諸天雨妙華香作衆妙樂供養菩薩

余時菩薩以慈悲力於二月七日夜降伏魔已放光明即便入定思惟真諦於諸法中

禪定自在悉知過去所造善惡從此生彼父母眷屬貧富貴賤壽夭長短及名姓字皆悉明了即於衆生起大悲心而自念言一切衆生無救濟者輪迴五道不知出津皆悉虛偽無有真實而於其中橫生歡樂作是思惟至

初夜盡

辨五

第 六〇 冊

記

尔時菩薩既至中夜即得天眼觀察世間皆悉徹見如明鏡中自覩面像見諸衆生種類無量死此生彼隨行善惡受苦樂報見地獄中拷治衆生或鎔銅灌口或抱銅柱或卧鐵牀或以鐵鑊而煎煮之或於火上而加沸炙或爲虎狼鷙犬所食或有避火依於樹下樹葉墜落皆成刀劍割截其身或以斧鋸解剔肢體或擲熱沸灰河之中或復擲於糞屎坑中受如是等種種諸苦以業報故命終不死

菩薩既見如此事已而心思惟此等衆生本造惡業爲世樂故而今得果極爲大苦若人有見如此惡報無復更應作不善想尔時菩薩復觀畜生隨種種行受雜醜形或復有爲池水即化爲熱銅焦炭動身舉步聲如人牽五百乘車肢體節節皆悉火然菩薩既見受如是等種種諸苦起大悲心而自思惟斯等皆爲本造慳貪積財不施故令今者受斯罪報若人見彼受此苦痛宜應惠施勿生憐惜設使無財亦應割肉以用施人尔時菩薩次

菩薩復觀畜生隨種種行受雜醜形或復有爲骨肉筋角皮牙毛羽而受殺者或復爲人負荷重擔飢渴乏極人無知者或穿其鼻或鉤其首常以身肉而供於人還與其類更相食歟受於如是種種之苦菩薩既見生大悲心即自思惟斯等衆生恒以身力而供於人又

加楚撻飢渴之苦皆是本修惡行果報尔時菩薩次觀餓鬼見其恒居黑闇之中未曾暫覩日月之光還是其類亦不相見受形長大腹如太山咽頸若針口中恒有大火熾然常爲飢渴之所燋迫千億万歲不聞食聲設值天雨灑其身上變爲火珠或時遇臨江海河

辯五

十五

英

已起大悲心而自思惟衆生皆有如斯之患
云何於中耽著三欲橫計爲樂而不能斷顛
倒根本尔時菩薩次觀諸天見彼天子其身
清淨不受塵垢如真琉璃有大光明兩目不
瞬或有居在須彌山頂或復居在須彌四鎮
或復居在虛空之中心常歡悅無不適事奏

天美樂以自娛樂不識晝夜四方諸趣無不
絕妙視東耽著彌歲忘轉瞻西耽湎經年不
迴乃至南北皆亦如是飲食衣服應念即至
雖有如此適意之事猶爲欲火之所煎煥又
見彼天福盡之時五死相現一者頭上華萎
二者眼瞬三者身上光滅四者腋下汗出五
者自然離於本座其諸眷屬見天子身五死
相現心生戀慕天子亦復自見己身有五死
相又見眷屬戀慕於已當尔之時生大苦惱
菩薩既見彼諸天子有如此事起大悲心而
自思惟此諸天子本修少善得受天樂果報
將盡生大苦惱既命終已捨彼天身或有墮

於三惡道中本造善行爲求樂報而今所得
少樂多苦譬如今人噉雜毒食初雖爲美終
成大患云何智者貪樂此耶色無色界諸天
不見壽命長短便謂常樂旣見變壞生大苦
惱即起邪見謗無因果以此事故輪迴三塗
備受諸苦菩薩以天眼力觀察五道起大悲

許五

十六

七

心而自思惟三界之中無有一樂如是思惟
至中夜盡尔時菩薩至第三夜觀衆生性以
何因緣而有老死即知老死以生爲本若離
於生則無老死又復此生不從天生不從自
生非無緣生從因緣生因於欲有色有無色
有業生又觀三有業從何而生即知三有業

從四取生又觀四取從何而生即知四取從
愛而生又復觀愛從何而生即便知愛從受
而生又復觀受從何而生即便知受從觸而
生又復觀觸從何而生即便知觸從六入生
又觀六入從何而生即知六入從名色生又
觀名色從何而生即知名色從識而生又復

觀識從何而生即便知識從行而生又復觀行從何而生即便知行從無明生若滅無明則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅如是逆順觀十二因緣第三夜分破於無明相出時得智慧光斷於習障成一切種智

余時如來心自思惟八正聖道是三世諸佛之所履行趣般涅槃路我今已踐智慧通達無所罣礙于時大地十八相動遊雲飛塵皆悉澄淨天鼓自然而發妙聲香風徐起柔軟

碑五

十七

記

清涼雜色瑞雲降甘露雨園林華果榮不待時又雨曼陀羅華摩訶曼陀羅華曼殊沙華摩訶曼殊沙華金華銀華琉璃等華七寶蓮華繞喜提樹滿三十六踰闍那是時諸天作天妓樂散華燒香歌舞讚歎執天寶蓋及以幢幡充塞虛空供養如來龍神八部所設供

養亦復如是當余之時一切衆生皆悉慈愛無瞋恚想歡喜踊躍如見聖跡無怖畏情其心調柔離憍慢意亦無憚嫉詭詐之心五淨居天離喜樂相亦皆歡悅不能自勝地獄苦痛暫得休息生大歡喜一切畜生相食噉者無復惡心餓鬼飽滿無飢渴想世界之中幽閻之處日月威光所不能照而皆大明其中衆生悉得相見各作是言此中云何忽有衆生大聖法王出興於世以大法光破非法閻故令一切皆悉明朗甘蔗先玉棄國學道得五通仙又行十善得生天者皆乘神通到菩提樹在虛空中歡喜合掌而讚歎言於我甘蔗種族之中能斷諸漏成一切智爲世間眼甚爲奇特一切莫不歡喜踊躍唯有魔王心獨憂愁

余時如來於七日中一心思惟觀於樹王而自念言我在此處盡一切漏所作已竟本願成滿我所得法甚深難解唯佛與佛乃能知

之一切衆生於五濁世爲貪欲瞋恚愚癡邪
見憣慢詭曲之所覆障薄福鈍根無有智慧
云何能解我所得法今我若爲轉法輪者彼
必迷惑不能信受而生誹謗當墮惡道受諸
苦痛我寧默然入般涅槃爾時如來以偈頌曰
聖道甚難登 智慧果難得 我於此難中

皆悉已能辦

我所得智慧 微妙最第一

衆生諸根鈍

著樂癡所盲 順於生死流

不能反其源

如斯之等類

云何而可度

余時如來作此念已大梵天王見於如來聖
果已成默然而住不轉法輪心懷憂惱即自
念言世尊昔於無量億劫爲衆生故久在生

華五

死捨國城妻子頭目髓腦備受衆苦始於今

者所願滿足成阿耨多羅三藐三菩提云何

默然而不說法衆生長夜沉沒生死我今當

往請轉法輪作是念已即發天宮猶如壯士
屈伸臂頃至如來所頭面禮足繞百千匝却
住一面胡跪合掌而白佛言世尊往昔爲衆

生故久住生死捨身頭目以用布施備受諸
苦廣修德本始於今者成無上道云何默然
而不說法衆生長夜沒溺生死墮無明暗出
期甚難然有衆生過去世時親近善友植諸
德本堪任聞法受於聖道唯願世尊爲斯等
故以大悲力轉妙法輪釋提桓因乃至他化
自在天亦復如是勸請如來爲諸衆生轉大
法輪

余時世尊答大梵王及釋提桓因等言我亦
欲爲一切衆生轉於法輪但所得法微妙甚
深難解難知諸衆生等不能信受生誹謗心
墮於地獄我今爲此故默然耳時梵天王等
乃至三請余時如來至滿七日默然受之梵
天王等知佛受請頭面禮足各還所住
余時世尊受梵天王等請已又於七日而以佛
眼觀諸衆生上中下根及諸煩惱亦下中上
滿二七日余時世尊又復思惟我今當開甘
露法門誰應在先而得聞者阿羅漢仙人聽

辭五

十九

慧易悟又先發願道成度我作是念時空中有言阿羅邏仙人昨夜命終余時世尊即復答彼空中聲言我亦知其昨夜命終又自思惟迦蘭仙人利根明了亦應先聞空中又言迦蘭仙人昨夜命終余時世尊即復答言我亦知其昨夜命終

余時世尊又自思惟彼王師大臣所遣憣陳如等五人瞻視我者皆悉聰明又過去世於我發願應先聞法我今宜當為此五人先開法門又自思惟古昔諸佛轉法輪處皆悉在於波羅柰國鹿野苑中仙人住處又此五人所止住處亦在於彼我今應往至其住處轉大法輪思惟是已即從座起詣波羅柰國余時有五百賈人二人為主一名跋陀羅斯那二名跋陀羅利行過曠野時有天神而語之言有如來應供正遍知明行足善逝世間解無上士調御丈夫天人師佛世尊出興於世最上福田汝今宜應最前設供時彼賣人聞

天語已即答之曰善哉如告又問天言世尊今者為在何許天又報言世尊不久當來至此於是如來與無量諸天前後導從到多謂婆跋利村時彼賣人既見如來威相莊嚴又見諸天前後圍遶倍生歡喜即以蜜餞而奉上佛余時世尊心自思惟過去諸佛用鉢多

羅而以盛食時四天王知佛心念各持一鉢來至佛所而以奉上於是世尊而自念言我今若受一王鉢者餘王必當生於恨心即便普受四王之鉢累置掌上按令成一使四際現余時世尊即便呪願今所布施欲令食者得充氣力當令施者得色得力得捨得喜安快無病終保年壽諸善鬼神恒隨守護飯食布施斷三毒根將來當獲三堅法報聰明智慧篤信佛法在在所生正見不昧現世之中父母妻子親戚眷屬皆悉熾盛無諸災怪不吉祥事門族之中若有命過墮惡道者當令以今所施之福還生人天不起邪見增進功

德常得奉近諸佛如來得聞妙說見諦得證

所願具足

尔時世尊呪願訖已即便受食食既畢竟澡漱洗鉢即授賣人三歸一歸依佛二歸依法三歸依將來僧授三歸竟因與之別而便前行威儀庠序步若鵝王路逢外道名優波伽

既見如來相好莊嚴諸根寂定歎爲奇特即

說偈言

世間諸衆生 皆爲三毒縛 諸根又輕躁
馳蕩於外境 而今見仁者 諸根極寂靜
必到解脫地 決定無有疑 仁者所學師
其姓字何等

爾時世尊以偈答曰

我今已超出 一切衆生表 微妙深遠法
我今已具知 三毒五欲境 永斷無餘習
如蓮華在水 不染濁水泥 自悟八正道
無師無等侶 以清淨智慧 降伏大力魔
今得成正覺 堪爲天人師 身口意滿足

故号爲牟尼 欲赴波羅奈 轉甘露法輪

是天人魔梵 所可不能轉

尔時優波伽聞此偈言心生歡喜歎未曾有合掌恭敬圍遶而去迴顧瞻矚不見乃止
尔時世尊即復前行次到阿闍婆羅水側日暮止宿而便入定當於尔時七日風雨時彼

佛五

火一

七

水中有大龍王名目真隣陀見佛入定即以其身圍遶七匝滿七日已時彼龍王化爲人形頭面禮足而白佛言世尊在此七日之中不至乃甚患風雨耶尔時世尊以偈答曰諸天及世人 所歡於五欲 比我禪定樂不可爲譬喻

時彼龍王聞佛此偈歡喜踊躍頭面禮足還歸所止

尔時世尊即復前行往波羅奈國至橋陳如
摩訶那摩跋波阿捨婆闍跋陀羅闍所止住
處時彼五人遙見佛來共相謂言沙門瞿曇
棄捨苦行而還退受飲食之樂無復道心今

既來此我等不煩起迎之也亦勿作禮敬問
所須爲敷坐處若欲坐者自隨其意作此語
竟而各默然尔時世尊來既至已五人不覺
各從座起禮拜奉迎互爲執事或復有爲持
衣鉢者或有取水供盥漱者或復有爲澡洗
脚者各違本誓猶故稱佛以爲瞿曇尔時世

尊語憍陳如言汝等共約見我不起今者何
故違先所誓而即驚起爲我執事時彼五人
聞佛此語深生慙愧即前白言瞿曇行道得
無疲倦

爾時世尊語五人言汝等云何於無上尊而
以高情稱喚姓耶我心如空於諸毀譽無所
分別但汝憍慢自招惡報譬如子稱父母
名於世儀中猶尚不可況我今是一切父母
等愚癡無有智慧不知今者已成正覺所以
者何往見如來日食麻米苦行六年而今還
受飲食之樂我以是故謂不得道尔時世尊

語憍陳如言汝等莫以小智輕量我道成與
不成何以故形在苦者心則惱亂身在樂者
情則樂著是以苦樂兩非道因譬喻如鑽火澆
之以水則必無有破暗之照鑽智慧火亦復
如是有苦樂水慧光不生以不生故不能滅
於生死黑障今者若能棄捨苦樂行於中道

辭五

二十三

記

心則寂定堪能修彼八正聖道離於生老病
死之患我已隨順中道之行得成阿耨多羅
三藐三菩提時彼五人既聞如來如此之言
心大歡喜踊躍無量瞻仰尊顏目不暫捨尔
時世尊觀五人根堪任受道而語之言憍陳
如汝等當知五盛陰苦生苦老苦病苦死苦
愛別離苦怨憎會苦所求不得苦失榮樂苦
憍陳如有形無形無足一足二足四足多足
一切衆生無不悉有如此苦者譬如以灰覆
於火上若遇乾草還復燒然如是諸苦由我
爲本若有衆生起微我想還復更受如此之
苦貪欲瞋恚及以愚癡皆悉緣我根本而生

又此三毒是諸苦因猶如種子能生於衆生以是輪迴三有若滅我想及貪瞋癡諸苦亦皆從此而斷莫不悉由彼八正道如人以水澆於盛火一切衆生不知諸苦之根本者皆悉輪迴在於生死

憍陳如菩應知集當斷滅應證道當修憍陳如我已知苦已斷集已證滅已修道故得阿耨多羅三藐三菩提是故汝今應當知苦斷集證滅修道若人不知四聖諦者當知是人不得解脫四聖諦者是真是實是苦實是苦集實是集滅實是滅道實是道憍陳如汝等解未憍陳如言解已世尊知已世尊以於四諦得解知故故名阿若

卷五

二十三

紀

憍陳如當佛三轉四諦十二行法輪時阿若憍陳如於諸法中遠塵離垢得法眼淨時虛空中八萬那由他諸天亦離塵垢得法眼淨余時地神見於如來在其境界而轉法輪心大歡喜高聲唱言如來於此轉妙法輪虛空天神既聞此言又生踊躍展轉唱聲乃至阿

迦膩咤天諸天聞已欣悅無量高聲唱言如來今日於波羅奈國鹿野苑中仙人住處轉大法輪一切世間天人魔梵沙門婆羅門所不能轉尔時大地十八相動天龍八部於虛空中作衆妓樂天鼓自鳴燒衆名香散諸妙華寶幢幡蓋歌唄讚歎世界之中自然大明

阿若憍陳如於弟子中以始悟故爲第一弟子時彼摩訶那摩等四人聞佛轉法輪已阿若憍陳如獨悟道跡心自念言世尊若更爲我說法我等亦當復得悟道作此念已瞻仰尊顏目不暫捨爾時世尊知四人念即便重爲廣說四諦于時四人於諸法中亦離塵垢

得法眼淨時彼五人見道跡已頂禮佛足而白佛言世尊我等五人已見道跡已證道跡我等今者欲於佛法出家修道唯願世尊慈愍聽許於時世尊喚彼五人善來比丘鬚髮自落袈裟著身即成沙門尔時世尊問彼五人汝等比丘知色受想行識爲是常爲無常

耶爲是苦爲非苦耶爲是空爲非空耶爲有
我爲無我耶時五比丘聞佛說是五陰法色
漏盡意解成阿羅漢果即使答言世尊色受
想行識實是無常苦空無我於是世間始有
六阿羅漢佛阿羅漢是爲佛寶四諦法輪是
爲法寶五阿羅漢是爲僧寶如是世間三寶
具足爲諸天人第一福田

沮
呂反才上
悴
反下
湛然
減反初上
宅
燦朗案反上
眞莫經反去声斧
解剔他上
蜜麌小下
尺反
馳盪作蕩
盪因頸音上

過去現在因果經卷第四

辭六

宋三藏法師求那跋陀羅譯

過去現在因果經卷第三
辭五 天記

躁音竈
寬慘悴上才下才
反躁
反弓族下子子
族反摧挫卧下則
連魔醯下呼呼
反魔醯
操刀反怡然上
反怡然之余
操刀反余老姥
反余老姥
佩蒲妹鎧苦
佩反
反口
奮形反方又上
奮形反方又上
胡碑雄
問郎胡碑雄
鑽木反瓦果
鑽木官上子反
莊然反去
莊然反去
踴音音上時非
踴音音上時非

過去現在因果經卷第三

余時有長者子名曰耶舍聰明利根極大巨富閻浮提中最爲第一服天冠瓔珞著無價之寶屐其於中夜與諸妓女相娛樂已各還寢息忽從眠覺見諸妓女或有伏卧或有仰眠頭髮蓬亂涎唾流出樂器服玩顛倒縱橫旣見是已生厭離心而自念言我今在此灾害之內於不淨中妄生淨想作是念時以天力故空中光明門自然開尋光而去趣鹿野苑路由恒河高聲唱言苦哉怪哉佛言耶舍汝便可來我此今有離苦之法耶舍聞已所